

欽定平定教匪紀略

欽定平定教匪紀畧卷三十八

閏二月初一日亥那彥成奏言竊照上年滑城

克復之後因直隸大名府屬之開州東明長垣

三處係被賊蹂躪之區又河南彰德府並直隸

順德府地方亦關緊要必須重兵駐劄彈壓當

將提標兵一千名飭令馬瑜管帶駐守開州正

定鎮標兵一千名飭令徐銀管帶分駐東明長

垣宣化鎮標兵一千名飭令富蘭管帶分駐彰

德順德二府往來巡緝嗣接方受疇來信以彰

德地方業以寧謐毋庸派兵駐守經臣飭令富

蘭將宣化鎮標官兵全數移駐順德府城茲查

開州一帶地方入春以來已經寧謐現在知會

馬瑜徐錕富蘭各將所帶兵一千名內撤回五

百名分起歸伍其餘兵一千五百名仍留各該

處駐守俟三月初間全行撤回並令富蘭先行
進京復

命其所帶之兵另派將備管帶約束再前經酌留天
津鎮標兵一百名派委都司一員管帶暫駐故
城縣彈壓茲查該縣地方寧謐毋庸留兵防守
一併飭令撤回歸伍奏入報

聞

閏二月初四日丙寅董誥等奏言前據

盛京副都統緒莊等奏獲犯王士青訊係聽從高
張氏服符糾人約在通州王進潮家會齊赴京
滋事當奉

旨分飭查拏經步軍統領衙門將高張氏及女李高
氏子高德明等暨邪書經卷獲送旋又將通州
王進潮等緝獲解部並經奉天將王士青及李

中連陸廷印李中得李中發王忠順高祥先後
解部又據山東將崔廷宣陳祥陝西將陳金聲
陳恒義陳文清等犯解到臣等逐一研訊緣陳
恒義高祖陳貴習圓頓教陳貴之妻係高八岡
之女高姓亦世傳邪教高張氏及婦女李高氏
俱誦習經卷名一炷香清淨無爲教教內歛錢
等事係李高氏代伊母經管王士青之曾祖王

敬潮會從高八岡習教王士青又拜高張氏爲
師並轉傳李中連等歲歛銀錢送給高張氏上
供稱爲教主奶奶陳貴曾孫陳美玉傳徒陳祥
陳美玉故後陳恒義接管教內事務嘉慶十六
年夏間陳美玉之子陳文清來京捐千總職銜
往看高張氏一次十八年春間王士青歛銀三
十兩交李中連送給高張氏並借抄舊傳符式

高張氏告以此符傳自陳恒義焚服後能明心
見性可避水火刀刃等難當付李中連照抄並
傳給避難咒語李中連帶交王士青王士青令
陸廷印照畫數十道分給李中連李中發王忠
順高祥等焚服隨經奉天委員將王士青等訪
獲嚴刑訊問王士青妄認高張氏令其邀人到
通州王進潮家會齊赴京謀逆陸廷印等亦誣

認知情茲將案內各犯提齊隔別嚴鞫實無糾
人謀逆情事應請將左道惑人爲首之陳恒義
高張氏王士青李高氏俱擬絞監候王士青業
經病故應毋庸議其習教爲從各犯除李中得
陸廷印崔廷宣業經病故外陳金聲李中連李
中發高祥陳祥王忠順俱發邊遠充軍世傳邪
教之高德明陳文清俱杖一百流三千里案內

無千人犯概行省釋其

盛京承審各員應請將用刑逼供之郎中錫福員
外郎鳳德交部嚴加議處不行阻止之協領扎
倫泰佐領尙政宜交部議處奏入得

旨此案高張氏及伊女李高氏居住廣寧門內近在
輦轂之下膽敢傳習邪教將陳恒義所傳符咒轉
傳王士青在奉天地方歛錢惑衆其所藏經卷亦

金匱要略卷三十一
五

多悖逆之詞較之尋常左道惑衆者其罪尤重高
張氏李高氏陳恒義俱著改爲絞立決李中連由
高張氏家帶回符咒交王士青散給徒衆焚服不
得僅照習教爲從例科斷李中連著改爲絞監候
案內原擬邊遠充軍之陳金聲李中發高祥陳祥
王忠順俱著改發伊犁原擬杖流之高德明陳文
清俱著改發烏魯木齊所有承審此案用刑逼供

之錫福等所訊本係有罪之人與故勘平民不同
錫福鳳德著改爲交部議處扎倫泰尙政宜著改
爲察議餘依議

閏二月十一日

癸酉

上諭內閣曰御史申啟賢奏請申明地方官巡歷鄉
村之例宣揚教化責成吏治一摺州縣爲親民之
官職司教養循良之吏敦本善俗日以民事爲先

務使小民家給人足戶盡可封自不致草竊奸宄
流而爲匪卽如上年逆犯林清以草澤奸民輒敢
首倡逆謀煽惑徒黨推原其故該逆等習見鄉民
趨利如鶩動之以利卽可得其死力而市井惡少
貪淫忘恥該逆等所習邪教又復男女無別誘以
所好一經陷溺雖至喪家亡身冥然不知悔悟其
間大奸巨猾除林清李文成牛亮臣馮克善數犯

實係謀爲不軌罪惡貫盈其餘附和之徒並不知
謀逆爲何事不過意圖搶劫擄掠以遂其欲而已
深維致亂之由實因州縣各官因循怠玩不能教
養之所致也夫長吏爲齊民表率言教不如身教
司民牧者朝廷優之以爵祿乃不爲朝廷盡教養
斯民之責素餐怠事惟思保全祿位此其自私之
心亦與貪利忘義者何異今欲化民俗先飭官常

著各省督撫大吏倡率各州縣官受任一方卽以
一方之民事爲己責勸農桑興學校民之所利亟
爲興之民之所苦亟爲除之無論通都僻壤公務
之暇輕騎減從親赴閭閻體察民情旌別淑慝綏
集善良而發奸摘伏亦隱寓其中一邑舉其職則
一邑安一郡舉其職則一郡安由郡而省吏治修
明民氣和樂而天下安矣朕諄諄訓誨爾長吏其

共勉之

閏二月十二日

甲戌

上諭內閣曰兵部議將在豫省打仗陣亡傷亡病故受傷各官兵等照例分別卹賞俱著照所議行本內列有鄉勇一欵此次剿捕逆匪節經降旨不准僱用鄉勇該大臣率行咨請卹賞該部卽應議駁乃率將陣亡鄉勇照步兵例議卹受傷鄉勇照官

兵三等傷減半議賞殊屬非是所議不准行惟是該省業經募用在前同一陣亡受傷所有卹賞銀兩著該省自行照數捐廉給發不准列入報銷用

昭體制

閏二月十四日丙子長齡楊遇春朱勳奏言竊查

南山甫就肅清一切撫綏彈壓均關緊要現值青黃不接之時距麥收尙遠更宜妥爲辦理俾

地方益臻寧謐臣等謹將善後事宜悉心籌議
分別條款開列恭候

聖裁一酌留彈壓官兵查山中無業游民向多搶奪
及聚賭鬪毆之案此時賊氛甫靖若不設兵稽
查恐致游匪滋事臣等分札各鎮將於稽查各
路零匪之時如拏獲土棍及設廠聚賭之人卽
照川省匪徒之例從嚴懲辦一面張貼告示安

撫居民臣長齡楊遇春現派總兵吳廷剛帶兵

一千名赴華陽二郎壩黃柏園佛爺坪都都河

一帶總兵楊芳帶兵一千名赴盤屋各峪厚畛

子板房子三才峽方柴關斜峪關一帶副將何

占鰲齊慎等帶兵一千二百名赴黑河鐵鎗川

留壩鳳縣棧道東西一帶叅將張起鰲帶兵一

千名赴寧陝四畝地小王澗東江口一帶均各

嚴密稽查俟四月麥收後再爲陸續撤回原伍
此項彈壓官兵四千二百名應請每月給予鹽
菜銀兩不支夫價等項仍照防兵例給予口糧
至興安一帶民情尙爲安帖卽令總兵祝廷彪
將本隊官兵帶回興安歸伍其甘省督標河州
寧夏各兵共五千名已令總兵馬元游棟雲帶
領陸續凱撤回營一撫卹被賊地方查賊匪經

過之處或房舍被焚或口糧被搶現在多已歸

業_臣等已飭地方官趕緊查勘戶口並給發房

舍修費等項惟此次被賊處所經_臣朱勲奏蒙

賞給撫卹此內因包穀青空已有撫卹之處未經另

請本年值有閏月青黃不接爲日較長請將原

賑兩月口糧復被賊蹂躪之整屋沔縣畧陽鳳

縣寶雞五縣加賑一月其被賊蹂躪已蒙

恩旨撫卹茲復續行查出情形較重之洋縣城固隴
州三州縣亦再加賑一月仍派臬司繼昌親往
抽查一給予木廂備工執照查此番起事匪徒
皆由廂商不分良莠來卽收留以致匪徒聚集
一經停工遂致滋生事端應令州縣查明境內
共有木廂紙廠幾處發給廂商執照凡有僱覓
工匠將姓名鄉貫造冊交給鄉約甲長以便稽

查其外來傭工先投鄉保客頭詢明姓名鄉貫
另立一冊隨時刪除添改按月報明地方官查
察一修葺寨堡編記軍器查山居百姓全賴寨
堡以備不虞而保守寨堡勢不能不用器械

臣

等現今居民將坍塌寨堡隨時修理所有礮位
全行追令入官其鳥鎗刀矛均設立號簿分別
寨堡之大小酌定軍器之數目鐫註字樣庶不

致漫無稽核一嚴懲游匪查山內地方大半川
楚無藉之民不務生理好勇鬪狠每三五成羣
執持器械搶掠傷人實爲釀禍之端應請嗣後
拏獲此等匪徒卽照川匪例於搶奪本例上加
等治罪臣等先將改照川匪新例刊刻告示明
白曉諭俟地方寧謐仍照本例辦理以上各條
臣等公同酌商意見相同謹臚列具

奏伏候

訓示施行

長齡楊遇奏朱勳又奏言_臣等前於剿滅龔貴
向小一張占鰲等股匪奏奉

恩旨令將將領弁兵查明據實保奏茲將各路官兵
節次出力人員遵

旨保奏開列清單恭呈

御覽伏候

恩施均奏入

上諭內閣曰長齡等奏籌辦善後事宜一摺陝省南山匪徒現當剿除淨盡之後所有撫綏彈壓事宜自當加意整飭俾地方益臻寧謐其所請酌留官兵一欵該處地方遼濶山深林密此時甫就肅清留兵彈壓自不可少著照所請分派鎮將帶兵在

四路稽查彈壓俟麥收後撤歸原伍所派地方如有逸匪潛匿卽令就近搜拏山中無業游民如有賭博鬪毆等案各照例責懲倘有聚衆搶掠及拒捕者從嚴辦理其兵丁內如有藉端生事擾害良民者亦從嚴究辦至山內五方雜處不但本處匪徒慮有藏匿未淨卽京城未獲逆犯難保其不逃往陝省竄伏山內該督等並諄囑各將備一體躡

緝其山中搜緝餘匪亦著隨時具奏此項彈壓官兵四千二百名並著照所請每月給予鹽菜銀兩不支夫價等項仍照防兵例給予口糧以示體卹又所奏被賊地方普加撫卹一欵該處積歉之區復被賊焚搶災黎生計維艱業經降旨撫卹現屆青黃不接著加恩將蓋屋沔縣畧陽鳳縣寶雞五縣及蹂躪較重之洋縣城固隴州三州縣俱再加

賑一月其應給房舍修費亦著照例核實題報又
所奏木商傭工給予執照一欵此次山內滋事匪
徒大抵皆木廂傭工之人該商等平時招募工作
不分良莠以致藏垢納汙此後稽察約束自當嚴
定章程著照所請令州縣查明境內木廂紙廠處
所發給該商執照將所僱工匠姓名鄉貫造冊交
鄉約甲長查察其外來傭工亦令先投鄉保等因

明姓名鄉貫另冊呈報按照保甲之法認真編查
以時增刪日久毋懈又所奏修葺寨堡編記軍器
一欵山居百姓多憑寨堡守衛自應令其修葺完
固至存貯軍器用備不虞除礮位全行追繳入官
外其刀矛鳥鎗分別寨堡大小酌量存貯並鐫註
字樣設立號簿登記明晰以便稽核俱照所奏辦
理惟是寨民存貯器械原以自衛若不能演習猝

遇匪徒盡爲所掠轉以藉資寇兵應於各寨堡中
令甲長約長隨時查驗督令演習以資備禦其技
藝嫻熟者兼可充入伍之選又所奏將游匪從嚴
懲辦一欸游民不務生理好勇鬪狠奸宄萌生實
由於此必當從嚴懲辦著照該督等所請嗣後南
山內如有三五成羣執持器械搶掠傷人者比照
川省匪徒例於搶奪本例上加等治罪該督卽將

新例刊刻出示俾知儆畏俟地方寧謐後再奏明
照本例辦理務使匪徒革面革心化莠爲良各安
生業

上又諭內閣曰長齡等奏遵旨查明剿滅龔貴向小
一張占鰲首夥全竣將各路出力官兵開單保奏
等語加恩著照所請甘肅寧夏鎮遊擊萬彪賞給
銳勇巴圖魯名號陝西涇州營都司候補遊擊胡

超賞給勁勇巴圖魯名號嘉峪關遊擊李建勳漢
中鎮遊擊李章涼州城守營都司沙武德漢中鎮
千總王洪謨俱賞換花翎西安協領成瑞佐領舒
通阿漢中鎮遊擊何文翰寧夏鎮守備盧亨俱賞
戴花翎西安防禦兆俊寧陝營叅將張啟鰲巴里
坤鎮遊擊楊印花寧羌營遊擊林向榮高家堡都
司蘇超永固協都司姜得仁金鎖關都司蔡文瑾

華陽營都司錢兆熬靈州營守備傅嘉涼州鎮守
備王章八營守備朱效先利橋營守備張文魁延
綏鎮守備馬明提標千總劉福西鄉營千總陳奎
撫標千總曹天佑漢中鎮千總甯顯文馬良陽平
關千總劉秉鈞秦安汛千總曹伏友西寧鎮千總
許福任貴邦俱賞陞一等先換頂戴循化營守備
高勇臣玉泉營守備馬連陞督標把總常泰提標

把總高玉連撫標把總余振鰲西鳳營把總左國

先漢中鎮把總馬祿靖遠協把總張成龍西安鎮

把總張天福循化營把總張先西鄉營把總蘇大

文河州鎮把總陳緒順西安滿營前鋒格綳額効

力武舉傅世祥劉榮督標効力武舉朱煥張耀德

提標外委趙永恒漢鳳營外委賀庠榜關山營外

委李文永安營外委羅啟金西寧鎮外委王瑗督

標外委劉旺堯宋英傑臨洮營外委王祿西寧鎮
額外外委郭逢泰神道嶺營額外外委任有爲西
安鎮額外外委陳治畧陽營額外外委魏漢傑馬
兵米兆祿馬永祿牟得魁薛貴周文炳胡忠祿丁
登元田春元劉鈺廖棒李承弼許建功徐貴曹喜
朱衣宣荀世漢梅貴舍煥楊福壽張登何金玉袁
樸蔡芝謝天貴賈貴潘通劉允中雷軫劉榮楊振

聲唐登第王鳳麟王定國李常翠唐世懷楊添朝
馬訓李海龍周貴周邦順李天貴聶貴陳得俸劉
宗正崔貴張德勝張相輔朱池蓮馬伏學俱賞戴
藍翎陝西五品軍功呂升元著以把總補用推補
貴州普安協都司馬國鎰留於陝省補用候補都
司何毓龍留於陝省以都司儘先補用甘肅降調
候補叅將遊擊顧應全准其開復遊擊仍帶叅將

陞銜陝西降調都司党聯陞准其開復陝西秦安
汎斥革千總秦玉輝甘肅寧夏鎮右營斥革千總
袁學禮准其開復原官其各路辦理糧餉帶領壯
勇堵剿及承辦文移出力各文員加恩亦均照所
請陝西陝安道余正煥甘肅鞏秦階道德奎均賞
戴花翎陝西糧道周光裕鹽道胡枝蕙甘肅西寧
道龍萬育俱交部議敘西安府知府方載豫漢中

府知府嚴如煜候補知府費濟均賞加道銜陝西隴州知州何煥知州銜安康縣知縣呂朝選候補知縣伍敏甘肅署秦州知州李堯詢均賞戴藍翎知州趙宜暄著留於甘肅補用咸寧縣知縣林延昌長安縣知縣張聰賢均以同知直隸州陞用先換頂戴沔縣知縣周賡城固縣知縣程雲卓異布政司理問借補縣丞呂璠均以知州陞用先換頂

戴南鄭縣知縣楊大坦免其實授遇有繁缺儘先
調補陝西署畧陽縣知縣李廷信候補知縣周廷
瑞甘肅署兩當縣知縣周邦倚候補知縣周士鎬
均遇缺儘先補用蓋屋縣縣丞王國楨洋縣縣丞
謝大名均以知縣陞用漢中府經歷楊名颺照磨
陳明申以應陞之缺儘先陞用候補縣丞方傳恩
補缺後以知縣陞用候補縣丞羅廷表俟服闋後

儘先補用候補縣丞張鶴以縣丞儘先補用甘肅
秦州州判范伯棠遇有應陞缺出陞用陝西候補
州判范崇凱布政司理問胡大士甘肅候補縣丞
田種玉陝西候補主簿李鳴盛試用未入流伍才
華陸鳳詔王垓均以本班儘先補用試用從九品
王世榮補缺後以府經歷縣丞儘先陞用寧陝廳
巡檢劉詢懷遠縣典史郎發英均以應陞之缺陞

用候選從九品石應祿留於甘省以主簿補用候
選縣丞金駿候選從九品達貫權朱繼盛候選未
入流楊嗣震高輔清捐職從九品汪培未入流職
銜強配德著歸部儘先選用候選未入流史士魁
歸部以從九品儘先選用新疆已滿吏從九品張
普霖留於陝省以從九品儘先補用候選兵馬司
指揮朱榮試用教諭趙德彰六品軍功候選從九

品黃鼎均歸部儘先選用其病痊起復之原任褒
城縣黃官嶺巡檢許承緝著免其坐補原缺五品
軍功新選廣西馬平縣典史鄧文林以應陞之缺
卽行陞用未滿吏范效衆賞給從九品職銜

長齡楊遇春朱勲又奏言查本年正月二十二
日逆犯吳孤孤股匪竄至漢中府屬沔縣圍攻
晏家堡生員晏文質等率同居民併力拒守因

該匪人衆攻破堡牆生員晏文質晏騰霄曹應
新武生晏經邦黃永寧等罵賊不屈同時被戕
又民婦晏閻氏聞賊攻堡投井捐軀處女李氏
被擄不甘罵賊遇害謹據實查明具奏請

旨交部照例議卹奏入得

旨照例賜卹

同日同興奏言竊照上年辦理逆匪一案在事

尤爲出力各文員業經蒙

恩優獎尙有較次出力各員臣謹據實查明繕列清

單恭呈

御覽再查濟寧州知州王旭昇於協濟軍需辦理賑
務及巡防事宜始終出力河標左營叅將齊國
珍調赴金鄉防守剿捕奮勇仰懇

賞給知府副將陞銜河標右營守備孫魁一千總李

金城打仗亦爲出力懇

恩并

賞陞銜頂戴以示鼓勵

同興又奏言上年九月定曹逆匪滋事附近州

縣城鄉曉義紳民共相激勸或捐資團練自衛

村廬或集勇登城協同守禦更有出力打仗奮

不顧身者所有出資出力之居民商賈人等

臣

自行查明量加獎勸謹將倡首紳士據實保奏
並繕列清單恭呈

御覽再查金鄉縣生員李九標因該縣葦子坑地方
有行蹤詭秘之徒向該縣教諭具稟適臣飭委

標弁左壽寧密往訪查李九標亦將匪徒聚眾
情形告知該弁因卽蹤跡獲案賊夥李卓立銜
恨焚燒該生村莊并殘燬室內所停棺木器具

受禍甚慘迨李卓立等被剿逃散該生復隨同
委員設法擒捕臣於保奏紳士清單內將該生
懇

恩賞加七品職銜均奏入

上諭內閣日同興奏查明辦理逆匪案內出力較次
各文員懇請加恩一摺上年山東曹定一帶剿辦
逆匪其在事尤爲出力各員業經優加獎勵茲該

撫復將較次出力各員開單具奏著照所請加恩
候補知州周雲鳳聊城縣知縣冉永淦莘縣知縣
胡朝倫原任知州李培賢原任知縣張荃黃對揚
布政司經歷周煒州同郭萬青按察司司獄程壽
祺府司獄韓瀾傅式如雷永春教諭王元培朱凝
燿田光葵韓佩珩訓導呂崇修縣丞李珏車鴻瑞
王龍光陳士連孫廷桂高廷樞沈鴻勳主簿邵錦

章吏目紀瑚典史馮孝溥孟汝舟徐杓濮振飛魯
鏞河工候補縣丞姜樹初俱交部議敘候補通判
王樹人候補運判孫光城裴摺候補知縣唐慧吟
候補布政司經歷黃式敘河工候補州同程紹謙
候補府經歷舒奉周車煥候補縣丞金名鑾張迪
曾李正晉魏明德靖厚鍼陳挺趙煥章河工候補
縣丞阮吉光候補吏目王錫秦候補從九品吳允

灼王文煥梁玉振徐馨桂蔡釗程澤候補未入流
李啟文程庸昌杜晉陶江陳肇奎沈思思吳發科
陳繼志湯錫敷俱遇有各本職缺出儘先補用

上又諭內閣曰同興奏濟寧州知州王旭昇協濟軍
需賑務始終出力河標左營叅將齊國珍前在金
鄉地方剿賊奮勇懇請加恩等語王旭昇著施恩
賞加知府銜齊國珍著施恩賞加副將銜其隨同

齊國珍等打仗出力之河標守備孫魁一千總李
金城俱著加恩賞給陞銜頂戴以示獎勵

上又諭內閣曰同興奏查明山東各州縣團練防護
倡首之紳士據實保奏一摺上年九月定曹逆匪
滋事附近州縣各紳士志切同仇捐資團練協同
守禦降旨令該撫查明據實保奏茲據同興開單
奏請施恩此內金鄉縣生員李九標首先呈報逆

謀匪徒因此破案伊家被賊戕害停柩亦遭焚燬
該生仍幫同擒獲逆匪尤堪嘉憫該撫將該生與
單開各生員一例請賞給七品職銜不足示獎李
九標著加恩賞給舉人准其一體會試其餘均照
所請施恩候選通判孫宗渭候選知州蘇國翰候
選知縣孫宗溥候選州同張起峯候選縣丞朱肇
岐候選訓導周雲峯揀選知縣舉人尋騰鳳分發

廣西從九品李貞泰六品銜孝廉方正王任遠優
貢教習李庭業俱照本職儘先選補舉人尋方翰
王乃來劉掌衡謝邵拔貢杜方城蕭季卜恩貢尙
興渭俱賞給六品職銜武舉朱咸寧左泰俱賞給
守備頂戴貢生尋方深捐職從九品陳有常田宗
雲田宗喜田璧並在觀城防守之四川捐職從九
品王孝友俱賞給八品職銜生員蕭應卜吳榮士

蕭騏李崑李崑源蕭協卜成密盤趙完璧朱肇東
楊潔高天瑾周秉鈞李涑陽武之望朱王焜孫河
周維燭並直隸生員李鵬雲張敏樹張允忠王兆
蘭俱賞給七品職銜武生徐登鰲張鶚武琳張國
鑑張俊王鶴鳴張心德岳廷桂仝麟閣邵元麟李
忠王皓李三綱張應雷謝金城張華封馬應捷魏
應魁何視錦朱錦王騰霄宋廣榮王恩章張有成

魏殿安趙錦芳李長清康蔚斌俱賞給把總職銜
監生周宜高李士凱李先之王觀德李孟魁朱思
誠李文炳李漢並直隸監生李冠榮張惟靖山西
監生宋進爵俱賞給八品職銜

閏二月二十一日癸未長齡朱勳奏言竊臣等前
奉

諭旨南山毗連各州縣均關緊要著長齡朱勳於剿

賊事竣後察看各州縣內如有闕冗廢弛者卽嚴行甄別另揀賢能之員調補等因臣等遵卽悉心甄別將應行勒休及更調各員公同酌擬具

奏伏候

訓示

同日長齡奏言查南山一帶甫經肅清正資營員彈壓必須揀補得人庶於地方營伍均有裨

益所有現出陝西延綏鎮神木協副將等缺臣
謹就各該營情形將應行陞調各員與提臣楊
遇春詳加察核酌擬具

奏候

旨遵行

同日長齡楊遇春朱勳奏言竊照南山本廂紙
廠等處傭工客民經臣等議立章程茲復查出

棧西老林與甘省交界處所有鐵廠數處向係
外來客民攜帶工本在該處開採鐵礦製成鐵
鍋鐵盆等項各處販賣臣等查私開鐵廠原干
例禁惟鐵鍋等項係民間必須之物若驟請封
禁概令山內百姓出山市買誠覺不便於民但
任聽客商開採設有匪徒偷買私造器械所關
匪細似宜官爲經理以便稽查現已分飭確勘

再將開廠章程悉心籌議具

奏至各路營汛有應斟酌改移之處必須臣等親

身周歷詳細履勘臣長齡現由華陽四畝地柴

家關一帶巡查臣楊遇春由黑河鐵爐川留壩

鳳縣一帶巡查臣朱勳赴興安抽查撫卹統俟

出峪後再行會議奏

聞均奏入

上諭內閣曰長齡等奏甄別南山知縣酌量調補一
摺著照所請淳化縣知縣朱紹穎准其調補蓋屋
縣知縣所遺員缺卽以尹振麟調補長武縣知縣
陳元煦准其調補郿縣知縣所遺員缺卽以何紹
衣調補延長縣知縣戴昶准其調補洋縣知縣所
遺員缺卽以王元亮調補延川縣知縣周元位准
其調補洵陽縣知縣所遺員缺卽以談宗岳調補

其畧陽縣知縣周書告病遺缺著諸能定陞補褒
城縣知縣傅承緇年老才庸著勒令休致所遺員
缺著李廷倍補授

上又諭內閣曰長齡奏請補副將遊擊各員缺一摺
著照所請延綬鎮神木協副將員缺以齊慎陞補
其所遺陝安鎮左營遊擊員缺以趙啟貴陞補紫
陽營都司員缺以詹玉彬陞補其所遺漢中鎮標

左營守備員缺以王洪模陞補漢中鎮城守營都
司張廷松年老患病著勒令休致所遺員缺著黃
起義調補孤山堡都司員缺著劉藻陞補其所遺
漢中鎮標中營守備員缺著馬良陞補陳貴著調
補整屋營守備其所遺磚井堡守備員缺卽以毛
殿楹調補西鳳營守備王運注兩耳重聽漢鳳營
守備王世勇左脚殘廢俱著勒令休致所遺西鳳

營守備一缺准其以千總饒成富陞補漢鳳營守
備一缺准其以千總王萬得陞補

上命軍機大臣傳諭長齡楊遇春朱勳日長齡等奏
查明南山鐵廠請官爲經理一摺棧西山內鐵礦
開採已久所造鐵鍋等物亦係民間日用必需此
時若遽加封禁小民仍必私往偷採偷造轉恐別
滋事端自不若官爲經理設立章程以時稽考各

商民皆可藉資鈐束該督等現已派員前往確勘
著於勘定後卽將開廠章程妥議具奏候旨遵辦

閏二月二十二日甲申那彥成奏言竊臣前奉

諭旨開州等處匪徒甫靖有須移置弁兵之處著卽

由該省各營酌量抽撥等因臣遵查開州營原設

額兵一百三十名守備一員把總一員額外

委一員其杜勝營所屬之東明長垣二汛原設

額兵二百九十九名都司一員千總一員把總
二員經制外委二員額外外委一員分管營汛
於差操防守事宜實難周密又大名協左右二
營原設額兵八百五十七名除分撥各汛外存
城兵僅止三百五十名操防亦屬未敷臣悉心
裁酌開州營應請添設兵三百七十名合之原
額一百三十名共足五百名之數添設千總一

員把總一員經制外委二員額外外委二員將
原設守備一員改設都司一員管領其杜勝營
東明長垣二汛應請添設兵二百一名合之原
額二百九十九名共足五百名之數添設把總
一員經制外委三員額外外委二員又大名協
左右二營應請添設兵四百二十九名合之存
城原額三百五十名共兵七百七十九名統交

城守營員管領無庸另請添設以上添兵共一
千名擬於天津宣化二鎮所轄營分內各抽撥
五百名所有千把外委等弁應再酌量派調其
開州營改設都司一員亦於天津鎮標內酌調
卽以所裁開州營守備抵補似於防守要地足
昭嚴密一切軍裝糧餉亦毋庸另議增添奏入
得

旨兵部議奏旋經兵部核議以天津係濱海要區宜
化係邊關重地舊設額兵較寬大名一帶雖接
壤豫東究係腹地今該督轉請抽撥邊隘之兵
移至腹地未便率行議准請

勅下該督詳酌情形如大名等處果係汎廣兵單必
須添設兵弁或另於該省各營通盤籌畫均勻
酌撥奏明辦理

上從之

同日百齡朱理奏言江省上年徵調官兵防守
徐屬邊界兼顧東豫二省並分段保衛漕河先
後調撥馬步官兵僱募壯勇需用浩繁除碾動
淮商捐穀一萬石按照本折塔放抵銀一萬五
千兩無庸給價並自二月起續留防兵兩月所
需經費前已

奏明捐給及臣百齡捐募壯勇三百名所需口糧

軍械並購備協濟馬匹均係自行給發外計自

派兵之日起截至正月底撤防之日止通共支

用銀三十二萬八百餘兩內如官兵行裝口糧

鹽茶柴薪馬乾盤費軍火軍裝車船夫馱等項

例准報銷者共銀十三萬九千二百餘兩除借

支行裝廉俸銀一萬五千餘兩例應如數扣歸

庫款實計用銀十二萬三千四百餘兩前經動撥藩庫銀十四萬六千餘兩計尙餘銀七千餘兩卽歸還司庫原款此外如官兵口糧

奏明每名日給折色銀一錢二分嗣經部議祇准一錢馬乾按例每匹折銀五分實在不敷餵養及各項例價不敷均不能不額外貼給又城鄉招募壯勇數與官兵相埒價較例餉加增又如

修挖城濠購線犒賞並隨營員弁薪水飯食燭炭等項皆例所不載而事所必需計共用銀十八萬一千六百餘兩臣等公同酌議所有例在准報銷銀十二萬二千四百餘兩請以漕臣院元捐銀一萬兩江西撫臣先福等捐銀二萬二千兩淮商鮑崇城捐銀十萬兩儘數撥抵計有餘銀八千五百餘兩其例不准銷之十八萬一

千六百餘兩除以前項餘銀八千五百餘兩及
臣等

奏明捐佐例銷不敷之項

俯准交納銀五萬一千兩抵補外尙不敷銀十二萬

二千餘兩請於臣等及所屬各員按一成半養

廉攤捐自十九年夏季爲始分限五年歸欸其

丞倅佐雜等官或身列閒曹或職居微末俱不

在此例臣等仍督飭局員按款造冊分別報銷
存案再徐州鎮總兵沈洪叅將馬濟勝分帶官
兵壯勇在於東豫二省協剿又總兵尙維侗遊
擊楊昇分駐豫東地界協防所有應付糧餉先

經臣百齡

奏明兵駐何省卽由何省支發嗣因東豫兩省供
億之項緩不濟急仍多由江省支給現已分別

核明解還統由江省支銷理合陳明奏入報

聞

同日百齡奏言竊照晉省盤獲盱眙縣民孫悃
柱供出周泳太等習教謀逆一案先經臣就獲
犯審明分別定擬具

奏茲據山西委員將孫悃柱解到並呈繳大順通

寶錢一枚臣親提質訊緣孫悃柱籍隸盱眙縣

有妻傅氏不能養活縱容賣姦度日迨後傅氏
與周泳太姦好不容孫欄柱同住孫欄柱外出
賣字營生十八年十月行至山西代州西關經
兵役盤獲送州審訊孫欄柱觸起周泳太姦佔
伊妻隱恨卽捏稱周泳太係天理教匪給與大
順錢文爲記令赴山西探聽動靜欲圖起事等
語其實周泳太等並未習教謀逆其大順錢文

係在賣字錢文內剔出前供在洪澤湖邊塔下
掘得八十餘文委屬謊詞所有孫桐柱罪名前
經遵

旨擬以斬決今已解到質明卽律以誣告叛逆之條
從重立決誠屬罪所應得第細核案情究由周
泳太姦佑伊妻不容進門以致飄流在外被獲
到官追詰觸恨妄供尙非蓄意誣陷核與秦定

字之僅因賭輸負欠竟假造通賊逆書赴官稟
首者其情似稍有區別可否將孫桐柱一犯暫
緩正法仍照誣告叛逆本例改爲擬斬入於秋
審辦理恭候

欽定所有周泳太等各罪名悉照原奏完結奏入得
旨孫桐柱本係縱姦無耻之徒復挾嫌誣指周泳太
等謀逆重情核其情罪無可姑息孫桐柱著改爲

絞立決餘俱照原奏完結

同日高杞奏言前奉

諭旨首逆林清繼妻林趙氏妾林陳氏行抵何處卽
於何處絞決等因查該犯婦林趙氏已於正月初
九日解到蘭州遵卽將該犯婦林趙氏處絞訖
奏入報

聞